



ქალაქ ფოთის მუნიციპალიტეტის საკრებულო განკარგულება №12/32

2018 წლის 10 ქვის
ქალაქი ფოთი

ქალაქ ფოთის მუნიციპალიტეტის ტერიტორიაზე მალთაყვის განაშენიანების რეგულირების გეგმის გეგმარებითი დავალების დამტკიცების თაობაზე

„ქალაქ ფოთის მუნიციპალიტეტის ტერიტორიაზე მალთაყვის უბნის განვითარებისათვის საჭირო რიგ ღონისძიებათა განხორციელების თაობაზე“ საქართველოს მთავრობის, 2017 წლის 31 მარტის, №632 განკარგულების შესაბამისად, საქართველოს ეკონომიკისა და მდგრადი განვითარების სამინისტროსა და შპს „ურბანიკას“ შორის გაფორმებული 2017 წლის 6 ნოემბრის №409 ხელშეკრულების საფუძველზე შპს „ურბანიკამ“ მოამზადა წინასაპროექტო კვლევა - ხედვა მალთაყვის სარეკრეაციო ტერიტორიის განვითარებისათვის და მალთაყვის განაშენიანების რეგულირების გეგმის გეგმარებითი დავალება.

ქალაქ ფოთის მუნიციპალიტეტის მერიას 2018 წლის 10 აპრილს №11/2920 წერილით საქართველოს ეკონომიკისა და მდგრადი განვითარების სამინისტრომ წარუდგინა განსახილველად და კანონმდებლობით დადგენილი პროცედურების განსახორციელებლად მალთაყვის განაშენიანების რეგულირების გეგმის გეგმარებითი დავალების პროექტი.

წარმოდგენილი წინასაპროექტო კვლევა - ხედვა მალთაყვის სარეკრეაციო ტერიტორიის განვითარებისათვის და მალთაყვის განაშენიანების რეგულირების გეგმის გეგმარებითი დავალება აკმაყოფილებს „სივრცითი მოწყობისა და ქალაქითმშენებლობის საფუძვლების შესახებ“ საქართველოს კანონის, „ტექნიკური რეგლამენტის- დასახლებათა ტერიტორიების გამოყენებისა და განაშენიანების რეგულირების მირითადი დებულებების დამტკიცების თაობაზე“ საქართველოს მთავრობის 2014 წლის 15 იანვარის №59 დადგენილების, „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დადგენილებისა და სხვა ნორმატიული აქტების მოთხოვნებს.

ქალაქ ფოთის მუნიციპალიტეტის აღმასრულებელმა ორგანომ, განახორციელა „ტექნიკური რეგლამენტის- დასახლებათა ტერიტორიების გამოყენებისა და განაშენიანების რეგულირების მირითადი დებულებების დამტკიცების თაობაზე“ საქართველოს მთავრობის 2014 წლის 15 იანვარის №59 დადგენილებით, საქართველოს ზოგადი ადმინისტრაციული კოდექსით გათვალისწინებული ადმინისტრაციულ წარმოების ყველა პროცედურა.

ამდენად, მიზანშეწონილია ქალაქ ფოთის მუნიციპალიტეტის ტერიტორიაზე მალთაყვის განაშენიანების რეგულირების გეგმის გეგმარებითი დავალების დამტკიცება.

აღნიშნულიდან გამომდინარე:

მუხლი 1.

დამტკიცდეს ქალაქ ფოთის მუნიციპალიტეტის ტერიტორიაზე მალთაყვის განაშენიანების რეგულირების გეგმის გეგმარებითი დავალება თანახმად დანართისა.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2018 წლის 10 მაისიდან.

საკრებულოს თავმჯდომარე



ირაკლი კაცულია